

盤洲文集

十六

表第二十一首

謝賜先臣謚忠宣表

伏蒙聖恩以臣弟左朝散郎守起居舍人臣遵有請
 特賜先父徽猷閣直學士左朝散大夫臣某謚忠宣
 者先臣銜使不忘徇國之忠同產抗章仰拜易名之
 寵哀榮終始感涕縱橫臣中謝竊以六家所以成書斷
 自周公而下三品然後節惠詳夫唐世以來褒貶咸
 決於君前善惡不誣於身後非有傑出之迹安得殊
 常之榮伏念先臣當鳴鏑之敗盟以單車而脩好聞

諸夫子不辱命於四方執我行人甘茹毛於窮海艱
 難備矣操守確然數其亂華之僭折彼取蜀之問及
 上介汗賊庭之祿之死靡他至同倫易虜帳之官沒
 身不屈屢臨白刃弗變南冠至於間道以奏祐陵冒
 禁而朝太后祕計屢通於係帛危機嘗困於畫牢流
 涕冷山七八月而見雪操持禿節十五載而入罍蒙
 神聖之簡知直權邪之毀萬遠投裔土莫駐頽齡幸
 逢琴瑟之更張遂致絲綸之游出賜之嘉謚卓尔異
 恩著甲令以顯褒達丁年之善聞諸孤不肖益殫戴
 舜之誠幽壤有知必效方回之報茲蓋伏遇



蘇州府志卷第三十五

一

皇帝陛下躬行仁政心念功巨謂康衡之排妒懷湯
皆其私怒而忠州之譴逐陸贄恨不生還隆曲澤以
飾終示清朝之彰善事光存沒風勸邇使忠貫日
月之稱在德蘊立園之上巨謬居家嫡獲奉烝嘗掃
地焚黃丕變松楸之色瞻天上牘不勝狗馬之心巨
無任

代程樞賀南郊禮成表

清蹕就陽得卜郊之剛日泰壇拜况跋類帝之明經
九在式園率同擊壤中謝恭惟

皇帝陛下補天興業貳地宅尊偃武修文不膠馬上

皇正月一

日一

之治制禮作樂有考鹿中之祠煇管蕭以揭虔滌爾
乘而備物雲門存古先之舞芝房奏新作之歌駢駒
鸞路之弗爲風馬羽旄而來下歡該四表釐逆三神
雲非霧以祥開月從星而光燭降年有永等皇祐明
堂之詩迎日之長推有熊寶鼎之筵迺漏泉而豐澤
俾畫地之弛刑簡策特書國家經典巨退居故里阻
望屬車侍祠者數百人遐想漢儀之盛上壽曰千萬
歲空馳虎拜之誠

代程樞密賀車駕幸秘書省表

虎觀鼎新復仰木天之壯觀旌順動有光金匱之藏

事歲崇朝禮超前代謝巨聞編珠拱極憲東壁之經
星群玉名山峙西崑之策府惟興國再臨於大駕逮
祐陵愈貴於上儀元元本本而宏達為群魏魏煌煌
乎卓絕之跡於赫右文之旦聿恢下武之聲定負雖
酌於瀛洲它直尚僑於蘭若迺更爽境肇建洪規揭
寶墨於璇題帝中第一鳩瓌材於芸閣天下無雙親
屈至尊式昭丕訓瞻八世宸毫之秘玩三王彝器之
存緒得肉歐得骨虞得筋克兼衆妙夏之璉商之瑚
周之簋仍獲餘珍坐使清流頓增榮觀恭惟
三帝陛下道全息馬功濟興龍煥乎其有文章皇風
載躋舉而措之事業治具畢張闡葱蒨於一時暢醇
醲於四表先聖後聖大書特書巨辱在奉祠莫遑陪
乘傳置郵之命幸此道之益高覩泰階之平與斯民
而胥慶

代人起居

太母回鑾表

聖主樂天復交權於北境皇輿旋軼爰就養於東朝
遠涉脩途言歸華闕極一人之喜豫罄万宇以懽呼

中賀共惟

皇太后殿下道配坤元教形壺則邁徽音於任姒追

淑範於城藝彤史揚休久壙京而贊治赤光協吉遂
毓聖以開祥自玉輅之時巡奉禕衣而遐道荐懸歲
籥越在鄰邦蓋聖人之德能通于神明而天子之孝
克安於社稷皇乾眷命副九重長樂之思敵國行成
修萬世甘泉之好戒皇華而驟乘備法駕以回鑿正
位慈寧遂即舍飴之樂賦詩城頴敢辭舍肉之言巨
等獲際昌期叨居輔郡傾心鳳闕幸修清道之儀矯
首龍庭恨阻奉觴之列

代宰臣進六曹寺監軍務通用法表

六官分屬綜甲令以惟繁三尺裁書幸終篇而甫奏

陸州志卷三十五

四

四

仰塵聽覽架積兢惶黜竊以帝奠九壘必有規摹之
遠法垂一代寧無前後之殊歲時既閱於推移可否
滋多於因革惟是文昌之要尤為政事之原上係朝
廷倡紀綱於九牧俯聯監寺列筦庫之群司儻無一
定之文孰究兩端之弊中罹兵革浸紊簡書舉其宏
綱未免口傳之異視諸故府莫稽臆決之非懋建丕
彝允歸華旦恭惟

皇帝陛下循堯治道廣文伐功上下相安品式已臻
於備具國家間暇政刑宜底於修明細大觀之遺編
作中興之寶訓蓋琴瑟不調之甚必解而張俾江河

所犯之難不膠者卓部居有要凡目咸陳巨等獲預
編摩久繇夙夜因時立制媿無山父將明之材合古
便今庶幾蕭何畫一之法

代張建康謝賜御製孔子七十二賢像贊表
細旃儲思述闕里之聖賢鴻筆垂光賁琅函於郡國
濯冠拜况紆袂增榮竊以隆顙脩肱仰素王之奇表
攀鱗附翼萃諸國之異能播高躅於誦弦存憲言於
竹帛孰謂千齡之後獲逢萬乘之知雲漢為章像圖
孔肖蜀都繪壁初無當宁之褒唐帝摛辭不及外堂
之列在古未見惟聖運能對恭惟

又臣等

五

田行

皇帝陛下舞羽修文解蒸更化想像環於往日崇木
鐸之芳風玉振八聲發揮洙泗之美銀鈎鐵畫度越
羲獻之前加寵校言匪頒寶軸巨猥司留鑰恭覩宸
奎七十子之肖仲尼悉經題品二千石不如逢掖共
慶瞻儀

代賀冬至表六

北宮擊磬庸知樂律之諧南至書雲益見豐年之象
五緯相叶萬物昭蘇中恭惟

皇帝陛下受命中興濟身大業聖人以天下為度同
彼疆此界之仁斯民覩泰階之平享右粥左餐之樂

當以舒之化景迎滋至之天休自叨廩祠官養痾里
社振纓綬而接武莫陪上壽之班貢履襪而獻詩願
納踐長之慶

疇人課密當五年再閏之期祕殿迎長上萬歲三呼
之壽中恭惟

皇帝陛下得天之紀與時偕行無徧覆包函之殊以
生育養長為事邇遐安生美宣王之中興廊廟榮華
賢周公而大治巨衰遲病竊葦祠莫陪鵷鷺之
班徒深犬馬之戀

闔門候景茲審律於聽工登臺望雲遂細書於往史

中恭惟

皇帝陛下聰明稽古慈愛保民能用真儒開八荒之
奇域備成熙事變六樂於闔門式踐外辰函蒙丕祉
巨夙叨華綴久退私閑空懷頌履之誠莫預奉觴之
慶

闔門以候景至式符巧曆之占御殿以聽樂均爰始
黃鍾之奏迎玉琯一陽之復合高山萬歲之呼中恭
惟

皇帝陛下業濟化龍勛優息焉時則有若伊尹克咸
同德之休王者莫高周文更廣好生之治外辰甫及

景福來臻百假守海邦遙瞻天闕踐長有慶願賡履
襪之詩上壽多儀莫綴簪紳之列

氣和玉燭當芒荔之應期日永金鋪仰槐楓之留景
斯名亞歲共祝萬年中恭惟

皇帝陛下光啓宏圖力行柔道寂爾干戈之偃粲然
俎豆之陳上獵三靈之流嘉祥屢獲外連四海為帶
比屋可封逢聖世之榮懷覺皇初之赳赳咸馳善頌
式贊外辰巨叨領州麾乎瞻帝闕傾心葵藿已迎化
國之舒矯首鶴籙莫覲壽觴之舉

擊鼓撞鍾慶君臣之道得獻復貢襪迎天地之氣和

盛州文卷三十一

四

斯為衍萬之元仰慶呼三之頌中恭惟

皇帝陛下兆謀一旅武命九圍極兵寢刑錯之功治
喟息跂行之德效珍未嘗虛月垂穎屢以逢年惜大
禹之寸陰踐長則喜受有熊之神策介福無疆巨叨
畀左符莫叅上笏荔芒協序共知玉燭之調葵藿傾
心遐想金觴之舉

代賀正旦表四

夏正三朝舉晉氏虎黃之禮春王一統布周人象魏
之章玉燭惟和炎精有煥中恭惟

皇帝陛下勳兼在昔治致外平七十日羣六十日耆

擊壤見斯民之樂四百里粟五百里米均田知我右
之仁穀旦是臨椒花可頌巨奉祠里社聯職殿廬重
坐說經身遠侍中之席九行上壽心傾御史之觴
正月之吉始和治布周官之象千歲可坐而致禮稱
漢殿之觴中恭惟

皇帝陛下仁行如春德盛在木彪列上階之色蠅蚋
左个之居去殺勝殘踰一且而定植僵與仆光九
葉以基隆時也求端天其識濫官南海遙拱北
辰目見耳聞益謹朝宗之訓手舞足蹈莫陪上壽之班
漢殿陳儀樂正奏黃龍之戲晉庭制禮直巨開白

禮記卷之二十一

八

曰行

虎之尊惟上聖之履端宜百神之胙德中恭惟

皇帝陛下拍塵戡亂目見迂衡恢復古之皇綱得用
儒之治效握樞秉錄尊居蟻漶之中越契踰繩何取
鴻荒之際受繇區之圖籍來殊徼之梯航三之日以
是臨萬斯年而有求巨濫分魚契阻望鷓行上壽獻
觴莫贄移葭之慶馳心存闕第深傾藿之誠

青達外震亶逢歲紀之端翠幄煜香咸仰朝儀之躋
散皇風而喻領洽歡誦以呼嵩中賀恭惟

皇帝陛下業類補天思勤貳地摠神明之貺祐成道
德之安強有并柯共穗以屢書聞吠狗鳴鷄之旁達

躋三皇而軼五帝懿鑠宣昭燭六合而耀八紘輝光
充塞凡式圍而鼓腹俱擊壤以馳心穀旦甫臨椒花
敢頌巨濫叨器使屢換斗杓如北辰而拱星深存華
闕傾東海以爲酒阻獻羽觴

代賀元會表

正上下之則講元會以尊王見天地之情慶人正之
協紀禮超綿蕞光載簡書

中恭惟

皇帝陛下化廣人文治臻儒效戴青旂於左个式對
熙辰下彫輦於東廂荐行綰典萃諸道計偕之士肅
殊鄰使命之班法酒序陳瑞章前列百神森從疑風
馬之裴回九賓臚傳偉雲龍之璀璨君臣相悅皇帝
知尊臣名綴叢祠身居舊里張鈞天之九奏遐想浸
容環嵩岳之三呼莫陪大慶

代天申節賀表二

日永以正夏氣和薰律之中天命而生商業系蘿黃
之固極華夷而并蹈洽草木以光榮中恭惟

皇帝陛下身濟中興人逢上治以息兵之神武得享
國之長年佳氣葱葱已信伯阿之望卿雲旦旦載賡
帝舜之歌臣恨守魚符莫瞻龍表以九爲節想漢觴
謁者之儀則白斯男申堯壤封人之祝

皇乾眷而炎德輝誕開與運里社鳴而聖人出盡括
珍符共堅戴舜之心遙貢祝堯之請中賀恭惟
皇帝陛下艱難系統慈儉保邦邁三代之英風補百
王之漏典竹宮展采仰華星皎月之祥金匱奏篇集
甘露榮光之事天錫無疆之祉人均有截之歡巨叨
守徧城獲逢誕節觴稱萬壽知嵩嶽之三呼花覆千
官想鈞天之九奏

代天申節貢銀狀

降年有永崇萬壽以無疆物土之宜罄四方而來賀
退惟不腆敢瀆蓋高前件物朱提之珍番禺所湊地
不愛寶參厥包厥斐之輸天其用休薦如阜如岡之
祉

盤洲卷之三十五

十

田行

代謝賜曆日表二

課清臺之曆雙璧五珠賜方國之書十行一札凡居
臨照得以奉行中謝巨聞兼天大地大而作王考且中
昏中而布政惟統元妙一行之數斯具注示萬年之
符恭惟

皇帝陛下聖克憲章效隆調一義宅南而和宅胡法
帝堯之授人時趙舉春而倪舉秋納魏相之陳月令
冒海隅之出日靡天下以向風巨敢不仰體愛民深

思率職周旋以守弗墜鳳司之頒析隩有經式安龍
戶之舊

三統一元仰清臺之課盜五年再閏協左氏之歸餘
中出總書遠霑竹使中臣聞作雄鳴雌鳴之律歷法
遂萌建南正北正之官疇人有述豈惟昭代高出舊
章共惟

皇帝陛下侔德商周措時夏子居域中之大以天下
為家三階平而風雨時不爽機衡之政五星連而日
月合有開珠璧之祥巨敢不恭體授時深思奉職左
旋右轉既天道之可知東作西成幸農祥之不爽

盤洲文集卷三十五

十一

田行

盤洲文集卷第三十五



田行藏

[Faint bleed-through text from the reverse side of the page]

盤州縣志卷第三十六



表十六首



代張提舉謝立祖廟表

額曰旌忠

真主念功必賜鼎銘之美大門徇節遂膺廟食之褒
風動邇遐感均存沒中謝伏以遼東奉祭彤之祭匪出
九重章武立田氏之碑但循甲令避聖世旌忠之典
酌禮家勤事之文國有條章人知砥礪伏念臣先祖
具官臣某蚤因文翰服在周行嘗荷蒙於宣和繼剖
符於南鄧胡邊烽舉分四道以勤王赤縣颯回無寸
兵之傳喋身獨嬰於白刃血屢染於左輪會廷臣請

盤州縣志卷第三十六

7

王

存趙而不諧故敵國俾秣燕而遠去遽傳長畢不見
中興藏黃石於異鄉已多丘木嗣襲我之宗器未實
訖毛方諸父之拜章自上天而降札建其闕宇錫以
嘉名尸忘屢革之還石有麗牲之啓仰瞻奕奕之作
遂假言言之靈三祀寧侔九京有曜結草豈殊於今
日傾葵相誓於私庭此蓋伏遇

皇帝陛下濟業艱難納民仁壽坐格明良之遇每先
忠義之思恩過禁樵激下彬而敢謝歎興茂栢欲裴
邃之更生有大丞之詔具存非諸布之名不顯傳之
千載光此一明臣內省材驚仰慚祖武偶備貞於使

指得真贖於宸嚴子孫不忘已篤傳家之報邊且有
楚長堅許國之誠

代陳饒州謝到任表

引疾去朝甫遂漳濱之卧冒恩典郡復成番水之行
班錄去初凌兢曷措謝伏念臣略無他技久在常流
當桂管之召還以痛言而入對溫顏曲獎朽質殊榮
俟罪長沙未奉三年之計收民南海已成百舍之裝
會神聖之更張雜智愚而並用異輔郡股肱之寄易
計臺耳目之除脫彼瘴煙近於天日而臣滯嬰天馬
之恙闕趨鸞鷲之行本草石之寒溫但知救死問錢
穀之出入積致瘵官不勝據瘵之憂清瀝負薪之懇
拜鴻私之從欲進華閣以就間方視蔭於窮居忽承
流於舊服官曹不改初無勿翦之榮筋力旣愆非復
能鳴之鴈政茲求瘼難以養痾茲蓋伏遇
皇帝陛下奮發乾剛財成泰道勵精理國每未明而
求衣軫慮字人故嘗夜不安枕乃如孱瑣亦玷選掄
臣敢不整頓前規鞭驅縣力僮子歌宣布之頌可謂
逢時庶民無愁歎之心尚期校考

代魏吉州謝上表

冒恩起廢敢辭蜀道之難改命承流頓覺長安之近

厥初班錄采切戰兢中伏念臣學不通方器非適用
自離群於棘寺久遠迹於楓宸畫戟兩州效蕙聞於
愷悌繡衣三組志尤懃於澄清倘刊訓解魯論之書
中有感歎周公之語言者謂其訕上理官坐以投荒
窺白澤之圖屢逢魑魅漆黃茅之瘴幸免膏肓遇聖
政之解絃致流人之出籍方作捫參之計又叨易地
之除惟廬陵之古城乃江西之劇郡潢池賣劍偶逢
剽敎之稀白察連櫓成懼轉輸之闕顧惟誦薄恐誤
使令茲蓋伏遇

皇帝陛下發政瞻前澤人重外欲庶民之安田里如

卷五十一

三

五

彼漢宣故丙夜之思姓名不殊唐帝豈容鴛乘亦玷
獸符臣敢不思補一毫恪遵三尺盡心聽訟庶移珥
筆之風竭力運糧會有積倉之日

代辰州守謝到任表

拜散人江湖之號方遂歸耕分刺史菟魚之符誤膺
出守遵瓜時而就道差穀旦以臨人中伏念臣資不
逮中况惟每下未足三冬之學偶聯千佛之名既備
數於薦紳遂服勞於簿領幸清明之盛際雜巧拙以
兼收猥以驚材廁于駕綴可以折獄歷廷尉之三官
何自為郎點司刑於六屬耶緣盈滿旋即退休一去

日畿三移星曆上棟下宇獲安故里之居右粥
仍竊叢祠之祿豈云出紵乃得把麾惟盧溪之偏城
本黔中之古郡丹砂化藥有地產之延年青箬裹鹽
無洞丁之奸命使之作鎮宜擇惟良恭惟

皇帝陛下化尚中和治貴清靜用真儒而無敵不復
談兵以佚道而使民率皆樂業濫令蒐璜亦職藩宣
臣敢不內竭技能仰酬器使法西都之循吏庶疑共
理之功訪酉陽之逸書少補右文之治

代福州守謝到任表

三載典城方軫黜幽之懼七條易地采深聞命之驚

盛唐文子下

也

王乙

甫見兵民已頌詔八耕火念臣空能薄汎汎五思
豎瞻咫尺之威屢懷方寸之印自飛芻於五筦斯七
陰以八年就戎西偏偶洞瑩守條而累化徙官東表
媿仙羊感政以效祥雖驚馬之十駕自鞭願鈇刀之
一割已鈍顏堯曦之暨遠亘粵分以移風佩犢帶牛
丕變潢池之習羹魚飯稻滄逢樂歲之豐致此孱疎
安然糜竊揆罔功而夕惕恐大譴之日加敢料恩私
復垂任使惟閩川之要屏邇岳狩之行都地大俗繁
務叢物阜必謀忠信慈惠之長可歌宣布中和之詩
深慮器盈有辜轂遣茲蓋

皇帝陛下憲章邃古光演寶圖鑿井耕田措斯世於
安寧之域辭軒罷刃賢周公而榮華至今既大振於
朝綱每廣求於民瘼謂臣久居遐遠而遷之以近知
臣稍更繁劇而勉其所長自非竭一得之愚何以答
十行之賜寵光有此驚蹇若何臣敢不村罄夙霄憂
分旰晷廣上聖仁心之澤務在撫摩師前賢治道之
言期於清靜

代雷州守謝到任表

日重官幸第龍之譴台雷州守海甸銅虎之榮
瓜戍以入疆見葭萌而宣化謝伏念臣顛蒙瑣質

握甌常流儲慶仙源顧邴霍出文昭之後策勛聖域
慚向歆為漢雋之宗蚤綴迹於薦紳即抗容於簿領
頃紆邦紱邈在海濱佩犢何為帶牛盜蹤偶少問羊
然後及馬政術莫知深懼罷歸幸臻善予非上聖廣
親親之大賜則微臣考下下以何疑方竢投閑庶幾
補過敢意十行之寵復尸千里之權惟南合之小州
蓋徐聞之古郡波涵渤解帆檣可達於群蠻利足魚
鹽井邑已同於中縣式塵共理迺濫匪材此蓋
皇帝陛下功光祖宗德合天地濟艱難之不葉題晏
粲之昌期念大分八百國之封寔先同姓有唯良二

千石之慮欲以遠人致使卑凡竊司班錄臣敢不盡
遵甲令以治仰寬丙夜之憂公族之應振振弗忘古
訓君子之風廩廩力企前修

代謝赦表

鑿輅就乾已報功而饗帝鷄竿作解爰歛福以錫民
凡在式園率同擊壤謝恭惟

皇帝陛下批糠巢燧冠冕農黃區武興文不膠馬上
之治制禮作樂式屢中之祠嶽祗下而瀆鬼從地
垠開而天闢決六甲既迎於黃氣一蜚豈泄於青蠅
合動籥之前言鄙封錢之小慮軍此蕤蕭之澤脫然
叢棘之囚率土昭蘇群情滌濯臣濫司郡寄獲廣上
恩札布十行仰湯后解網之德罪寬三細體成王空
園之隆

荆門謝到任表

舊鄉學稼久號龍具之中昭代振淹忽玷虎符之末
遵期上道消日備負謝伏念臣生也無庸少而自苦
駑材僥倖同介弟中詞學之科天語褒嘉稱先臣獲
忠孝之報驟躋儒館始接英躔暨禿節之來歸蹈駭
機於不測而臣屢緣父命前詣相門達危疑欲去之
情撥猜忌不回之怒既佐郡甫終於兩考偶投荒正

值於斯時守臣觀望以中傷御史憑依而論列獄辭
既上乃飭法而卻回吏議不公即舞文而求合錮廢
已歸於一紀清明斯覩於三光惟當陽君之故區在
雲夢澤之西鄙雖重午之風未復而醇厚之俗不移
苟無貪吏之誅求便有樂郊之氣象深虞瘴曠真抵
謫何茲蓋

皇帝陛下覆物如天視民猶子遴侯邦之左契錄治
行於御屏下詔百官欲迭居於內外承流六服寧有
間於邇遐凡此博求未嘗輕授載惟異渥猥及私門
追歎九原出明綸而賜謚臣還臣季躡清貫以登朝

臣五月二十二日

七

三二

當宰輔之進除書顧姓名而勤聖問念無是似之質
莫稱非常之恩以冒日期粉身何補臣敢不仰思旰
食力效秋毫宣布隆臣常臣七條之訓撫柔凋瘵敢
輕一障之乘

賀郊祀表

蒼駟六虬款頌祗而拜况園壇八陛慶掃地之揭虔
熙事崇成衆心交抃中切以七政以齊而輯瑞稱類
帝之彌文四卜不從乃免牲紀就郊之過舉於皇詔
代何算陳編恭惟

皇帝陛下上聖疑姿中天立極藏千戈於既定其興

也淳焉解琴瑟而更張不膠者卓矣自政機之獨攬
茲標燎之載颺玉梢瓊磬以諧音蘭酒柝漿之備物
靈旂來卜瑞謀光前坐宣室以受釐御端門而肆赦
臣耳聞錯事身阻侍祠舉相如數十人作歌無庸馬
走若兒寬千萬歲上壽有美鴈行

謝赦表

八音之調作歌禮成鹵粟五刑之疑有赦澤動雞竿
凡在堯封率同虎拜謝恭惟

皇帝陛下恩周地軸治叶天璣總攬權綱振孝宣之
治道周張黼繡講元鼎之授容壇奉主以臚驩府封
錢而肆管鑿井而飲已騰寧壹之歌畫地爲牢共逐
空虛之慶臣庸承人之獲布上恩戒此遐萌啓良心
而遠罪奉茲輕典副盛德之好生

賀皇帝慶皇太后八十表

進壽東朝宜恩北闕殿上皆稱萬歲瑞應非常海內
之凡九州歌呼同慶賀中臣聞喜黃髮而頌壽母魯國
有詩摘紫房以和慈顏晉人自賦若長樂備常珍之
奉在前王無故事之傳恭惟

皇帝陛下道大興商功光系漢日致其孝有曾閔事
親之風帝降之祥得黃老養性之福雖蚤朝而晏罷

必夏清而冬溫逢八十春秋之尊出五三經籍之右
吹律式迎於首祚舉觴遂介於長年歡連宮闈澤洽
黎庶比屋起南陔之養瑤池呈西老之符興慶之率
百官曾非曠典建元之復三筭何算陳編臣遠守小
邦側聞盛禮迴鑿紀事微蹤常錄於汗青賜札錫民
異渥獲推於戴白

賀皇太后慶八十詩

慶歸慈壺禮講壽觴鍊石以來孰爭年於彤史呼嵩
所暨咸播澤於黔黎賀恭惟

皇太后殿下德範光前仁心及物比任姒跡助文謨

卷之三十一

九

三十一

武烈之興好黃老言得天長地久之應方聖主極怡
怡愉愉之養宜皇乾錫穰穰簡簡之祥式對三微仰
稱萬壽黼黻斑衣之樂秋種黃髮之歌寶殿騰歡龜
臺獻瑞七十曰老已誇古昔之希八千爲春永受邇
遐之祝臣博觀載籍未睹異聞恩在私門記卷簾之
殊渥儀分廣陞想貢隲之清班

代賀皇帝表

喬雲結幄爛南極於此霄元日稱觴介東朝之黃髮
郵音所暨嘉頌載騰中竊以有三足烏說西崑之戴
勝鍊五色石聞上古之折鼈已標仙籍之長生或播

皇風於不朽慶絲長樂事始昌辰恭惟

皇帝陛下聖稟姜任行齊曾閔問安視膳蕃釐專鄉
於媪神據德依仁介福鼎來於王母禮行邾下歡匝
宮中八千歲春方百分之及一十七代史比萬壽以
無雙臣遠使重湖與聞曠典仰泰階而肅序厥路燕
繇祝坤極之增年後天而老

賀天申節表

日永星火以正夏玉燭咸和電繞斗樞而照郊金鋪
有慶浮通遐之喜氣集高厚之厯禡中賀恭惟

皇帝陛下睿哲題期勤勞濟業天連珠而合璧民擊

盤洲之三十一

一

三二

壤以登臺自躬攬於政機更力行於治道按六經而
校德方駕義農稱萬壽以獻觴齊蹤於老臣叨居小
壘阻造廣庭心慕堯封不勝多男之祝手披魯頌乃
賡台背之章

天申貢銀狀

九夏乘離千秋迎節雖下陳之封略有上壽之章程
前件物涌地效珍瞻天贊慶介荆州之三品不腆方
翰匪朱提之一流難參庭實

謝賜紹興二十九年曆日表

遠推竹律據易道以歸奇中出穗書且坤輿而班朔

雖爲常憲時謂新恩黜竊以命南正北正之官曆有
道始積大餘小餘之數閏法可求惟昌辰革乖次之
非故大紀得厚生之善足詆孟陬之殄豈差大火之
流恭惟

皇帝陛下欽象衡璇齊尊曜魄張登三之治具受衍
萬之休符好雨好風轉破塊鳴條之沴若煙若霧觀
連珠合璧之祥旣成歲以定四時蓋次春而大一統
遂令共貫咸得開編臣名綴典城職當宣化奉行政
典敢干木鐸之刑勸劭農功庶獲火耕之効

盤洲文集卷第三十六



解州集卷第三十七

謝賜御製損齋記表

謝賜御製損齋記表

淵衷好易玩山澤之立辭養藻名齋揭日星而垂象
迺刊琬琰溥及簪紳巨謝中竊以六位成書有數家之
口授四方觀化必當宁之躬行與其考梁立朱鹿之
異同何以益黃帝堯舜之平治仰九五聖神之學東
三萬訓故之言恭惟

皇帝陛下道續緝熙理潛易簡據狼弧蹈參伐而神
武不殺郤處妃屏玉女而清靜無為鉤探羲文肇修

盤州之三十一

世之

目蕩心之欲品評唐漢監持盈守位之非爰標榜於
宸居獨踐修於損德翠不裂而璫不族盡華紛華墨
之妙而筆之精心無嗜好著寶奎而襲六合太極之
函三風動邇遐日趨御名朴巨恭銘座右已閱校官今
祿利而學者不明共慚童習自奉養之君子有節上
法聖謨

知徽州謝到任表

叨拜言綸復分符竹繇小壘而外輔郡去遐邊而接
故鄉責重弗勝恩隆難述中謝伏念臣弱材無似末
技易窮頃獲戾於權巨即問耕於田父起廢忽臨於

一障備貞甫歷於三時體鴻鴈勞來之章竭駑駘鞭策之力政無善狀偶見取於疲民辭至外臺遂共騰於需牘豈期茂渥有此超除尺五去天望觚稜而甚近夫三爲屋指井邑以相隣惟富州擇吏之不輕恐譴域詣曹之莫免茲蓋伏遇

皇帝陛下德游和氣澤播黎苗方循名責實之朝寸長必錄故宣化承流之選詳試所行欲察字吐不嫌易地臣敢不究心簿領率俗農桑對以春秋願奉典城之計著于甲令益圖報國之忠

謝赦表

唐書卷之三十七

二

卷之七

疑旒行孝方視絮於慈聞貫索韜光遂解除於密網恩波匝宇罪黨虛囹

中謝恭惟

皇帝陛下德過舜文行高曾閔自遠迎於駟駕常款戲於斑衣問安否之何如偶愆調護禱神祇于上下必底康寧亟圖勿藥之功復需蓼蕭之澤仁心宥過和氣致祥臣連玷左符並逢曠典二筭之復八十已敷惠於遐萌五刑之屬三千今滌瑕於茲土願哀告語永介壽祺

大行皇太后上僊慰表

釁生慈壺痛貫宸衷奉諱之初提封同戚

中慰

伏以

大行皇太后生全五福德洽六宮三母翼周播徽音
而並駕一成祀夏誕聖質以中興方期壽祉之增忽
愴僊遊之隔恭惟

皇帝陛下得虞舜事親之道極文王問疾之憂念駟
馭之艱難養加於孝逢棘風之變故情過乎哀願寬
罔極之悲式體系隆之重臣限以官守不獲奔赴闕
庭臣無任

顯仁皇太后祔廟慰表

栢城襄事隔慈景於東朝厭主寧神講嚴禋於清廟
凡居覆載靡不悲懷中慰恭惟

卷之二

三

七

皇帝陛下養奪母儀情深孺慕五表而臨素幄罔極
哀悼九虞之奉真游弗純吉服逮茲登配益感劬勞
願抑凱風寒泉之思以慰晉天率土之望臣限以職
守在遠不獲奔詣闕庭

謝賜紹興三十年曆日表

叙書則斷堯典虔授民時言天者以夏正茂明歷法
妙於推筮欽若統元中謝恭惟

皇帝陛下受籍求端握符行健在璿璣以齊七政徇
木鐸以戒百官大史司日月之行不差宿離鴻範著
天人之應時若燠寒臣敢不仰體深仁恪思共理教

下民之農事復當火紀之朝考要說於術家有慶金穰之歲

賀立皇子建王表

選建宗英行真王之故事牧寧邦本繫羣土之群心
凡屬照臨舉同呼舞中賀恭惟

皇帝陛下系隆漢統疆固周宗陳玉葉之艱難永懷
藝祖辨廟祧之昭穆不私太支蚤求繩武之賢女茂
積身之德若古有訓惟斷乃成一索得男名協滂雷
之象衆星共北光騰左轄之躔復塞嫌萌益高聖慮
臣猥臨近郡獲拜細書歌螽羽之詩慕華封之善頌
作燕謀之祝慚枚叟之逸才

登州文三

四

少

謝賜御書手詔表

方底再封制官刑而出綽周行九命誦養潔以書紳
具瞻雲漢之光交積淵冰之懼臣中謝伏以三風之
戒徇貨若稽湯右之謨八瀆之糾治邦詳著周人之
典蓋驕鷲不通古今則安能應變期會不報簿書則
何以責成或舒緩以養名或拱默而尸祿迺居官無
黔突之計故載路有伐檀之譏皆軫慮於冕旒遂成
章於筆墨流傳所屆廢格有誅恭惟

皇帝陛下弊革賄公務先政核六事謝苞苴之責百

篇等訓誥之文罷蠲淮之魚德高禹貢去稗田之騰
指合周詩風移當自於身脩奎采復盼於心畫臣久
違朝籍猥守王畿絕密嶺而斷楓香願攀任昉問馬
曹而招竹隱敢效微之

謝賜紹興三十一年曆日表

璿璣齊以七政鳳曆奏篇攝提正于孟陬龍躔更始
同文所暨承式惟虔中謝恭惟

皇帝陛下道妙範圍仁周動植疇人雜俟最密清臺
之書正月始和若觀象魏之灋紀中興而有求極廣
覆以相傳臣職忝承流榮霑賜札永惟五紀欲歛福

盤洲文三二

五

少之祖

於編氓必使三時無輟耕之游食

提舉浙西常平謝到任表

支郡理人已殿道州之考外臺置使驟膺司部之除
入境去初逾涯是懼中謝伏念臣品卑馬走用拙雞

尸存分符竹之榮蔑著消塵之效在外十九年矣清
班已蒞於脩門取禾三百廛兮厚祿敢期於近甸忽

叨出綈遂使登車有萬鍾之藏久見欺於鼠雀開一
廬以賣方并按於狐狸正積弊之剗除豈弱材之堪

任茲蓋

皇帝陛下更張治具曲播人材朝令夕行智兼收於

群策叔出季處恩不替於一門乃若皇華付之駑品
臣敢不馳驅郡國宣布詔條發粟以振貧民何須矯
制乘傳而張空簿孰敢效尤

代朱丞相第三辭免表

秉鈞虛受深懷履鍊之憂批詔游盼尚闕循墻之請
輒控冉三之瀆庶幾萬一之從中謝伏念臣識不炤
微器非任重浸執股肱之政略無根柢之容報上闕
焉省躬惕若方大明更化已臻琴瑟之調而中昃傳
餐頗軫甲兵之問若時枚卜衆所具瞻豈容測海之
蠶蠶可備濟川之楫月三日而成魄詎合辭盈階六符

以觀天理難代匱伏望

皇帝陛下俯垂公聽亟降可音不嫌渙命之還俾
師言之誦姚崇成天下之務別選能賢汲黯寢淮南
之謀必期益國

江東常平謝到任表

影瀾部之纓勵能信宿乘楚人之傳復冒殊恩甫入
疆封未知職守中謝伏念臣蚤緣薄伎嘗綴清流逢
凶德之擅朝踵親闈而去國歲一章之在外瀕死而
生車兩轡而居前眎今非昔忽出綸於中禁得攬轡
於內畿革章權之姦詎能興利理牢盆之筭方欲求

端偶同產之典城致孤根之易地四牡勞來於周道
既榮文石之登六鷁退飛於宋都誰謂觚稜之遠迤
未陳於棠舍官復在於桑疇雖過家諧上冢之私豈
奉詔有察州之效所憂短力必抵大何此蓋

皇帝陛下責實入群留神國用棟梁枅拱隨小大而
度材金穀米鹽均迺遐而置使有如臣者亦在遣中
臣敢不靡鹽夙霄徧行郡邑問幾何於庾氏仰副王
音通什一於商人少裨金府

欽宗皇帝外庭慰表

萬里蒙塵咸俟翬華之返一朝厭代已成碧落之清

音諱遠來哀摧罔極沖冠恭以

大行孝慈淵聖皇帝至仁舜孝禹儉湯寬位登九五
之尊時逢百六之會重姜里之易以矣明夷迷襄野
之途期於傾否遂傳脫徒永斷回鑿恭惟

皇帝陛下仰紹君臨內懷友愛陟彼岡而瞻望恨萬
終天抱其弓以烏號痛深叩地願講反兵之報少寬
當守之悲臣恨以官守不獲奔走闕庭

賀明堂禮成表

布政頒時粢梓謨於汶上稽經誦律絕祀典於宮中
豐澤旣行縣區同慶中賀恭惟

皇帝陛下孝存嚴父禮謹事天三歲親祠屬有甲兵
之問六飛儼處弗陳變輅之容况當越紼之時亦損
垂裳之飾笙磬設而不作梁盛紱而益虔事有權宜
靈斯悅豫臣身拘乘傳心在執邊授五篇之詩魏漢
儒之難及右四方之嘏幸周頌之可歌

明堂貢銀狀

蒐越紼之儀九筵陟配謹執邊之職萬寓駿奔前件
物貨出朱提品非白撰稽舊圖於公玉已頌我將省
內府之酎金庶逃邦憲

謝赦表

唐書卷一百一十一

八

卷一百一十一

明堂度九尺之筵應房心於宮漢天下亡一人之獄
流雨露之湛恩凡在式園率同擊壤中謝恭惟

皇帝陛下輝光甲冑度越帝圖消吉日於杪秋講多
儀於路寢禮成奠璧已嚴父而配天澤播封錢何為
牢而畫地巨獲聞熙事中綴外臺鼓舞庖鴻慶漏泉
之大旨奉行寬恤懲掛中虛文

賀誅元顏亮表

明詔出車憺英威於羣中一凶涖鐸布吉語於橐街
喜匝幅貞事超簡策中竊以陽九危於百六會元
終則傾運一變者三十年惡周必復國贄游於昔者

胡扛鼎以信然若聖與仁不忍干戈之用以大事小
屢捐玉帛之珍悔禍有期叛盟在彼一介到闕謂割
地之請為必從兩宮蒙塵豈戴天之讎而不報雷霆
震怒日月耀兵雖邊捷之交馳偶淮師之小衄致令
對壘直欲涉江蓋瓜步既應童謡那無天道恐棘門
或如兒戲將屈帝尊孰知呼吸之間已得分勢之報
禍胎殄絕殺氣澄清詎容去腹以實益政可添頭而
為器示猾夏四夷之戒尉在天九廟之靈肥水之敗
符堅尚猶云國澶淵之滅捷覽永斷侵疆俟猛將之
犁庭治舊京而迎蹕役無再舉慶不一書恭惟

皇帝陛下睿斷有為廟謨必勝坐料目中之虜迄成
机上之屠殲厥渠魁斯足據高文之憤禪於姑衍何
止歸鄆謹之田臣文既無以磨崖武又不能略地距
躍三陌竊同折屐之歡臚句九賓願上素觴之壽

車駕視師起居表

百將爭馳必椎鋒而滅虜九旂順動欲按轡以勞軍
喜氣騰空祥光護野

中賀恭惟

皇帝陛下振威撥亂發憤罷和坐滅凶酋乃帝王以
全而取勝仰符天意蓋春秋尤大於復讎蒙犯祁寒
勤勞清蹕茲周行於壁壘即光復於京都巨斗食無

功咫尺顏在望負羈絏而巡天下敢齒執及有靈箠以
迎王師竊思馮軾

謝賜紹興三十二年曆日表

居煇居日以南正而思天治曆明時非魯人之失閏
紀元有永賜札惟榮

中謝共惟

皇帝陛下德煥炎精氣調玉燭校疇人之疏密得神
筴之本元正朔所加暨中原之舊郡鑿輿斯動考吉
日於叢辰臣乘傳備員開編謹始橫行破虜年新數
於中興平糴利民歲必觀於上熟

提刑司謝賜曆日表

歷代

考之祖

歸竒象閏大衍之數可推乖次失方孟陬之躔已正
札書所賜繇字爭傳

中謝恭惟

皇帝陛下政叶璣衡明齊曜魄義宅南而和宅朔法
帝堯之授人時趙舉春而倪舉秋納魏相之陳月令
冒海隅之出日靡天下以向風臣偶以攝空游茲拜
况好生惡殺體任德而省刑力耕數耘期歐民之樂
業

車駕回臨安起居表

鳴葭近甸俯臨細柳之營回軫離宮何取長楊之獵
百神迎蹕萬寓騰歡

中謝恭惟

皇帝陛下業濟艱難志圖清壹淮陰已縛非高祖爲
雲夢之游儼然既平宜宣王復文武之士欲講清廟
外祔之禮不憚屬車來往之勞天克相於吉行民不
知夫順動巨幸因使指入拜威顏從駕在豹尾中無
階扈聖快心於狼望北尚冀銘功

欽宗皇帝祔廟慰表

靈駕居夷緩七月因山之制禮官踵故講九虞祔室
之儀覆燾之間悲摧罔極中慰恭惟

皇帝陛下念深鳩翼恨絕龍蟠狄復讎啓周人之
白旆從戎下詔同晉國之墨衰方緣江而視師爲外

靈州之三十一

二

忠祖

廟而回蹕嚴禋之際宿憤已摠即聞卜洛之期斯慰
陟岡之孝願裁戚抱式徇輿情

欽宗皇帝小祥慰表

蒼梧不返正瞻望於靈輶新穀既外已變更於緹籥
凡居臨照同盡攀號中慰恭惟

皇帝陛下承續不圖盡傷遠狩因心則友履霜露以
纏悲折馘而還封鯨鯢而示報茲逢練祭願抑哀情

顯仁皇后大祥慰表

坤載雲傾痛栢陵之永閔喪期有數驚駟隙之如馳

中慰恭惟

